

دائرة مخصوصه

درسعادتده باب عالی جوارنده

محل اداره :

مستطابق

اخطار :

مسلكمزه موافق آثار جديده مع المنوئيه

قبول اوانور

درج ابدله بن آثار اعاده اوانور

ديبر، فلسفه، علوم، حقوق، ادبيات، سياست، و بالخاصه كرك سياسى و كرك اجتماعى و مدنى احوال و مشوره اسلاميه و بحث ايدى و هفته ده بر نشر از انور.

آبونه بدلى

سنه لکى

التى آيلقى

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
سائر ممالك اجنبيه	»	۱۷	۹	فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قبرله دن مقوا بورو ايله كوندريلىرسه سنوى

۲۰ غروش فضله آلير

دردنجى جلد

۱۰ جمادى الاول ۳۲۸ پنجشنبه ۶ مايس ۳۲۶

عدد : ۱۹

اوراق وارده :

خادم اسراریت صراط مستقیم جریده معتبره

سلام الله علیکم :

اسلامیتك قلمه بخش ایندیكى بر حس قدسینك سابقه تأثیریه سزه بو عریضه یی یازیورم . بو عریضه ایله سزه ؛ اتحاد اسلام مقصد علویسنی تعقیب ایدنلری یأس و حزنه دوچار ایلان ترك - عرب مسائلدن بحث ایده جكم . بالطبع بنم معروضاتم سزه قارشو خصوصیدر . لکن سزه ؛ اسلاملری اتحاد و هدایت دعوت ایتك کی بر وظیفه یی درعهده ایتش بولوندیغكزدن البته معروضاتی تحلیل ایله نشر ایدیله ییلن اقسامنی نشر ، صوابدن بید اولوب ده طی ایدیله جك اقسامنی طی ایدرسكز و محتاج تدقیق و تحقیق کوره جكکز نقطه لری تدقیق جهته کیدرسكز . بنده سزی مشاهدات و معلوماتدن هر وقت خبردار ایتك و اداره خانه کزه قدر کلوب ایضاحات لازمه یی ویرمه حاضریم . چونکه بویه مسائلك اورته ده دولتی بنی یأس وفتوره ، استقبالدن قطع امیده سورو کلیور . میدان بر عرب - ترك مجادله سنك چیقسی ؛ وطن مقدسك محوئی مؤدی اوله جغنی دوشونه رك قلم قان آغلابور . سزدن برجام وارد که آتیده کی مطالعاته ؛ شخص و وجدانی طانیدیغكز حالده بنی فنا مقصدلر طاشیانلردن ظن ایتکز . بن سزه حقیقی عرض ایتك استیورم :

بز ؛ اولاد عرب ؛ ترك مکتبلرنده ، ترك قرداشلرمنله بر آریه کلدیکمز زمان ، اسلام اولقله برابر عرب اولدوغمیزی ده اوکرندك و اوکرنگمیزی . و بوضو رتله سمای فکرمنده ایلک بر بولان قره بلوط ، قلمزك آقلغه قاریشان ایلک سیاه نقطه بو آنه تصادف ایدیور . دور سابقك هر حال کی بومشله لرده کیزی کیزی جای بحث بولویور و استبدادك تضییق ایله بر شکل علنی آله میوردی . لکن غر حریتك انقلاقی ؛ بو وطن مقدسده یشایان بالجمله عناصره ، آرتق بوندنبویه حقوق و وظائف متساویه مالک اوله جقلرینی تبشیر ایدیور و استبداد کونلرنده بر بویه درد لشمکه بیله امکان بوله میهرق هر بری بشقه بر املک ، بشقه بر فکرک آرقه سندن قوشان افراد ملته ، تك بر هدفه ربط آمال و عطف انظار ایلک لزومنی بیلایریوردی . بو حالده افراد ملته ؛ بر برلریله اکلشمق ، حقوق و وظائفنی پایلاشمق مقتضیدر . بناء علیه غزته ستونلرنده کوریلن هر هانکی بر مطالبه ؛ نه بر فکر ارتجاعك ، نه ده بر امل منفعتك ترجائی دکلدرد . بو کی مطالعاتك منبعنی تعین ایده بیلمك ایچون هر شیئی ، عدل و حقیقت ، انصاف و اخوت دائره سننده تحلیل و تدقیق ایتك کرکدر . بن اویله اعتقاد ایدیورمکه شمعی به قدر بو کی جریان افکاره سیرجی قالان صراط مستقیم ؛ هدف مقدسی ، امل مبعلی اعتباریله مسئله به مداخله ایله بیرونده منتشر « المفید » جریده محترمه سنك بعض ابیاتی نشر و طرز تحریرینی تنقید ایدیور . صراط مستقیمک بو حاللردن اظهار ایتدیکی تأثیرلینه بزده قانی کوز یاشلری دوکرک اشتراك ایدرز . فقط مسئله نك اساسندن بحث ایتیه رك ، قباحتی ؛ ترقی و تما - لیزی آرزو ایمان غرضکارلرده ، محیطلرمنك دیندار اولماسننده بولویور . لکن او امین اولسونکه ؛ نه شکری افندی غام ایله المفید غزته سی غرضکار ، نه ده محیطلرمنده دیانندن بشقه برشمس هدایت لمعه داردو . حقوقلرینی مدافعه یولنده رجا و نیازدن باشلایه رق تدریجاً تشدید لسان ایلان بعض شبان عرب بدبختلغه محکوم کورولیور .

لکن بو خصوصده بالجمله اطفال ، شبان ، اختیاران عرب یکوجود و متحد اولدقلرندن بو بدبختلغه شریک بولویور و کندیلرینی بدبخت دکل بالعکس اختیار عد ایدیورلر . چونکه هر کس مدافعه حقوقنه « ترکره قارشو دکل بالعکس شخص معنوی حکومت » با امر پیغمبری مکلف اولدوغی آزاده اشتباه اولقله برابر کچلرده سابق شیخ الاسلام افندی حضرتلری طرفدن بو خصوص آیات فرقانیه و احادیث نبویه استناداً تأیید و تأکید ایدلای . چوروک بر عمل اوزرینه انشا ایدیلن بر بنا ارکچ محکوم انهدامدر . هرشیدن اول تملی قورمق و مسائل ابتدائیه نك حلی جهتندن کتمك لزومی هیچ اعتراض کونورمنظن ایدرم .

المفیددن ؛ حقوق عربك هضم ایدلك استلیدیکی کمال تعجبله نقل ایدیلور . بن بوکا خیر دیرم . زیرا بر طرفدن حسابنه قایلیمش و هرشیئی سطحی بر

شیء براقك ، نه چالیشك ، نه اوغراشك ؛ هیچ برشیاه مشغول اولمایك !... » دیمه مش . اکر دیدیكفی ادعا ایدن وارسه میدانه چیقسون . بلکه اصحاب کرام افندیلرمنز ، عشره مبشره ، چهار یار کزین حضراتی امتی هپ سعیه چالیشمه یه تشویق ایدردی . الله ده (وان لیس للانسان الا ماسی) چالشمه دن هیچ برشی اوله ماز ، بیورمشدر . حضرت علی دائماً تکرار ایدردی :

کن لدنیاك كانك تعیش ابدآ

وکن لاخرتك كانك تموت غداً

دنیا ایچون الی الابد باقی اوله جقسكز کی ، آخرت ایچونده

یارین اوله جك کی چالیشكز .

بز هرایشه مأمورز : دنیا ایچونده چالشمق ، آخرت ایچونده چالشمق بورجزدرد . هم پشین دنیا ، سوکرا آخرت . او حالده ایچون دنیا منی ترك ایدم ؟ بیلمیورمی یزکه دیانتك نصفی مال ایله ایفا اولونه بیله جکدر . دین اسلامك درت رکنی وار : نماز ، اوروج . زکات ، حج . بونلرک صوگ ایکسینی مالی اولان یاپار . او حالده مال ایچون کیم چالیشسون ؟ هیچ یاره من اولماسون ، نه زکات ویردم . نه حجه کیدم ... دین بویه می دیور ؟ دینندن بویه بر معنی کیم چیقارمش ؟ الک برنجی وظیفه من اولان دیانتی اکل ایچون دنیا یه چالشمق لازمدر . اصحاب کرام الک بیوک مسئله لرایچنده بیله چالشمقندن کری طورمازلردی . صلی الله علیه و سلمك وفاتی - که الک مهم بر مسئله در - او صروده ابو بکر ترلاده بولویوردی . حالوکه حضرت پیغمبرک او کون خسته اولدیغنی ، حالت احتضارده بولندیغنی بیلیوردی . اویله ایکن چالشمقندن کری طورمازلردی . بویه مهم مسئله لر اعمال دنیویه دن منع ایتدیکی حالده بشقه ایشلرک مانع اولمایه جنی کون کی آشکاردر . هیچ برشی انسانی دنیا ایشندن منع ایتمز . دنیا ایچون چالشمق امر شرعی در . اهلنی ، اولادینی ، عیالی کچنیدرمك ایچون قازمه یی اوردقچه ثواب یازیلر . (انما الاعمال بالنیات) اکر قازمه یی اوردیغمنز زمان قلمزدن :

— یارب ابو قازمه یی اورورم ، چالیشیرم ، بوندن اوله جق محصولات ایله اولاد و عیالی کچنیدره جکم ، ملتک ترقیسنه ، محافظه سنه غیرت ایده جکم ... کی حسلر طوغارسه بوندن بیوک عبادت اولماز . مسلمانلقدده کسب فرضدر .

حضرت فاروق اعظم ، عمرو بن عاصی بحرینه کوندردیکی زمان دیمش که : (لا تقبل النوافل قبل الفرائض) فرائضی براقوبده نوافل ایله اشتغال ایتمه . فرائضدن مقدم نوافل قبول اولونماز .

بز بویه ذوات کرامك قولیه عمل ایتمزده کیمك سوزیه عمل ایده جکمز ؟ بعدما بصیرت کوزلرمنز آچلسون . ملت جهالتدن قورتارلسون . بو فلا کتدن تخایض اولنسون . و قورتولمق ایچون چالشمه یی ده جناب حق جمله منزه نصیب ایلسون . شونیت خیر اوزره جمله دن بر فاتحه .

صوگ

صراط مستقیم

بیروت جراند اسلامیہ سنک قومیت اساسہ مستند اولان بعض اشریاتہ قارشى حسبحال صورتیہ یازمش اولدیغمز مطالعاتک بر قسمنه جواب اولمق اوزره دو قنور یاسین بک افندی برادر مزدن آلدیغمز شومکتوبک یالکز سوریه والیسنک شخصنه تعلق ایدن قسمی - طوغری اولسه بیله شخصیات مسلکمز دن خارج بولندیغی جهته - طی ایدرک اقسام سائرہ سنی عیناً درج ایلدک . دردلر ، یارہلر آ کلاشلما دجہ طبعی تداوی اولنہ میہ جغندن قرداشمزک شو آجیق حسبحالی کمال صمیمیت ولایق اولدیغی اہمیت ایلہ تلقی ایتدک . ہمتلرینہ تشکر ایدرز . بعض محق سرزنش لری تضمن ایتککہ برابر حسیاتہ مغلوبیت جہاتی دخی احتوا ایلککہ اولان بوجوابنامہ بیروت مطبوعات اسلامیہ سی نامیلہ مقدما یازمش اولدیغمز حسبحال ایلہ برلککہ تدقیق اولماید .

صاحب مقالہ نک مکتبہ مزدہ کی تحصیل حیاتی باشلانغجہ عائد دقیق ملاحظہ سنی بعض مشہودات و مسموعات دخی مؤید بولندیغندن تربیہ حقیقیہ دینیہ دن محرومیت نتیجہ سی اولہرق منشی جہل بولنان شو عارضک فیوض مشروطیتدن طولای امید وار بولندیغمز تمدن حقیقی - تقاییدی دکل - ایلہ برطرف اولہجغنه قناعت کاملہ مز وارد . وظائف و حقوقہ مساوات اسلامیہ مقاصد معززہ سی جملہ سندن بولندیغندن حتی عناصر مسلمہ شویہ طورسون عناصر غیر مسلمہ بیہ (لہم سالوا وعلیہم ماعلینا) صورتیہ حقوقہ و خصائص اسلامیہ دن ماعدا وظائفہ مساوت کاملہ طانندیغندن خلافہ ملابس اطوار و معاملاتک اسبابی حسیات دینیہ نک مطوب صورتہ نشوونما بولماسندہ اراملی یز . دین اسلامہ منتسب اولویدہ تربیہ حقیقیہ دینیہ دن محروم قلمش کنجلمزک موجودیتی انکار اولہمز . قواعد جایلہ اسلامیہ ایلہ غیر قابل توفیق صورتہ ایشیدینلہ کلان رطب ویابس سوزلر ایشہ بومرضک اعراضہ سندن . بشریتک دین فطریہ سی اولان اسلامیت ادیان سائرہ کی تلقی اولنما لی در . دین اسلامک مانع ترقی اولدیغی بولندہ طفرہ فروشانہ درمیان اولنان بعض مطالعات بوتلقیہ معطوف ملاحظات سقیمہ بی تضمن ایدیور . ایشہ بتون سوء تفہملر قوریلان بویہ یا کلاش مقدمہ لردن وجود بولور . واقعہا غرب ، دینی براقلہ ترقی ایتشدہ ؛ فقط امین اولہلم کہ شرق ، دینی مہجور بولندیرمقلہ مضمحل اولہ جقدر . دین جلیل اسلام ادیان سائرہ قیاس اولنہ مز ؛ بوقیاس ، قیاس مع الفارق اولور . بوکون محترم قرداشمزی استقبالدن قطع امید ایتدیرن کنجلمز مہجور دلی اولان تحسینات تقیید براندازانہ در .

نر بو خصوصہ کی بدبختانی شبان عربہ حصر ایتدک . حسبحالز دقتی او قونسون بو حالدن کنجلمزی مسئلہ و معاتب طوتہ میز . اسبابی خوجہ لک ، ابوینک تحکم ولا قیدیسنہ آراز . افکار تعقیب اولنان طرز ایلہ تربیہ اولنہ مز . شیمدیکی دینسزک نظریہ لرینہ معتزلہ یہ ویریلان جوابلر ایلہ مقابلہ ایدیلہ مز . یکیدن بر علم کلام تدوینی ضرورتی

نظرلہ کورمکہ آلمش بعض انسانلر ؛ بویہ برحقوقی اساس اعتباریلہ انکار ایدیور . دیگر طرفدن اسلامیتک ترقی و تعالیسی یکانہ امل بیلن دیندار و عاقل کیمسہ لر بویہ بر مسئلہ نک موضوع بحث اولسنی شان اسلامیت نقطہ نظرندن برشین عد ایدیورلر . حالوکہ ایش ؛ نہ طفرہ فروشلرک ذہابی وجہلہ قابل انکار نہدہ دیندارلر مزک اجتناب و تحاشیلرینہ سزا برعادر . اورتہدہ دون بومسئلہ حل و فصل ایدلمکجہ کوندن کونہ بو بیچارہ وطن و ملتہ بیوک بیوک فلاکتلر حاضر لایز . جاہل مأمور و معلملرک تعینی حادثات موقتہ قیلندن عد ایدرک معذور کورمک ایتیلور . لکن بو حادثات موقتہ نک مشئوم بر اختلاف ودائی بر اسارتلہ نتیجہ نہ جکی دوشونہ نک اصلاً قورقلمیور .

اوت ! عدیلہ و معارف ناظرلری فوق البشر ، اتحاد و ترقی افرادی ملک دکالدر . ذاتاً بونک بویہ اولسنی لزومک ادعاسندہ بولونان یوقدر ظن ایدرم . لکن حسن نیت و خلوص قلب ، تعصب ملینک دفعہ . امنیت کاملہ نک حصولہ یکانہ واسطہ در . حتی بویکی صفت مہجلہ ؛ انسانی فوق البشر ملکارہ یقین بر درجہ یہ اصعاده دہ مقتدر در . برایشہ عین غیرت و متانتلہ مشترکاً صاریلق ایچون امنیت مقابلہ نک وجودی لایدر . برعرب مأمورینک ؛ عرب ممالکندہ استخدماتہ مشکلات یراتق ؛ عدم امنیتدن . فکر تحکمدن موجود قوانین و نظاماتہ ونفسہ عدم حرمت واعتماددن دکل دہ یا ندر ؟؟

برجاہل مملکت تبدیلی ایچون چیقاریلن آوازہ استرحام « ایجاب ایدرسہ تکمیل طلبہ بی مکتبدن قوگ . معلم درہ ہمہ حال دوام ایدہ جک » جوابہ لایقیدر ؛ اولاد وطنک درلو درلو افکار و مقاصد تحتندہ و میسیونرلر واسطہ سبلہ آجیلن مکتبلردن ملی مکتبلرہ چکمک ایچون یاپیلہ جق تدابیر حکیمانہ بوندن عبارت می ایدی ؟ عجبا بو تدابیر روسیہ دنی بڑہ کچہ جک . حکومت مشروطہ ؛ جوجق لرین مکتبدن طرد ایتدیکی اہالیدن معارف و برکوسی آلمدن حیا اغزی عجبا !! دارالمعلمینہ عرب ابتدائی مکتبلرینک معلملری ترکجہ تدریسات کورمیورلری ؟ تحصیل ابتدائیک لفت محلہ اوزرہ اولسنی ، عثمانیلرک الک آز افراددن متشکل عناصرینہ تجویز ایدیور دہ عربلردن نہدن دریغ ایدیور ؛ عربلر ؛ بونی استمک ایچون سس چیقاریمہ جق قدر حقیر و محروم حیاتی ظن ایدلدی یوقسہ اسلام قردہ شلر ! اولدق لری ایچون قردہ ش حتی خلای کورولدی ؟ سعادت عمومہ نک ؛ تکمیل افرادک ترقی و تعالیسیلہ ممکن الحصول اولہجی قضیہ سنہ نہ دن اغماض غین ایدیور ؟ واقعہا بڑ عثمانیلر ، استبدادک ۳۳ سنہ لک صدمات مخربہ سی آلتندہ ایکلہ دک ایکلہ دکہ محو اولدق . لکن دوشونملی کہ دائماً ترقی ایتککہ اولان افکارہ برحائل چکمک قدرت بشریہ نک قات قات فوقندہ برایشدر . افکار ؛ بطی اولسہ دہ یئہ ایلرلککہ دوام ایدر . ترک و عربلرک آرہ سندنہ کی حرمت مقابلہ یہ کلنجہ (لیس منا)

حدیث شریفی بیلن و ایشیدن ہربر اسلام ، اختیارلرہ حرمت ، کوچکارہ مرحمت ایتککہ ذاتاً دیناً مجبوردر . انسان ؛ برخطایہ یالکز بر دفعہ دوشرسہ ذہول و نسیانہ اینانیور . یوقسہ خطا تعدد و تکرر ایدرسہ ذہولی دکل تعددی اثبات ایدر . و بوضوئہ تعدد استخفافی قلندرہ موجود اولان حس لئیمک شاہد عذیبی مقامندہ تاقی ایتککہ عربلر معذوردر . بورادہ استخفافک لسان عربی یہ دکل عربلرہ عائد اولدوغنی سویلیورم . زیرا ترکلر ؛ لغت قرآنی احترام ایشہ لرینلہ اسکی عربلردن (العرب غرتہ سنک ادعاسجہ) بہ بتون بشقہ عربلر اولان بزلر ہر درلو استخفاف و تحقیرلرہ بحق لایق کوریلہ یلورز .

المفیدک شعرلرینہ کلنجہ ؛ ایلک ایکی بیت ترکلرہ قارشو اصلاً برحقاری متضمن دکالدر . بالعکس ہرکیم تاریخ و احوال حاضرہ بی بربریلہ بمقایسہ ایدرسہ اورتہ یہ قلنجدہ ، طوپ دہ کیرہ جکنہ حکم ایدر . او حالہ مفید غرتہ سی بزی ایقاظ ایدیور . اوکا تشکر دن بشقہ برشی دینہ مز . ایکجی بیتلرہ کلنجہ اولر ؛ عربلری عرضسز فرض ایدن خلیل حامدک شخصہ توجیہ ایداشدر . اوچجی اولہرق یازیلش بیتلر ایشہ ؛ ہرشیٹی ؛ اورت باص سیاستہ تبعیتلہ کورلر توبہ بوغمی استیلری جناب رحیم مطلقہ شاکی و عربلرک حال حاضرین شعراً مصور اولقدن بشقہ برماہیتی حائز دکلدر و اولہ مز . جوابکزک بو ہفتہ ساحہ آرای مطبوعات اولہجق نسخہ کزدہ کورہ جکی امید ایدرم .

دوقنور
یاسین ہامد القریشی

بوکون عادتاً قطعیت ریاضیه ایله تعیین ایتیش کییدر. انکار ایتیمه لم دینسزلاک فلاکتی استقبال اسلامی تهدید ایلکده در. ایشته بودینسز- لکدر که عرفان کاذب آشپسیه وجود نازنین امته قومیت داء الافرنجی تلقیح ایدیور. بوکون دینی سون هیچ برمسلمان غرور قومیسنی حسیات دینه سندن بالاتر طومر. قومیت اندیمه لری اسلامیتده دائماً درجات تالیه ده قالیر.

عناصر سائر اسلامیه نك برقسم کنجلی کی عرب عنصرینه منسوب بعض کنجلرده دخی حسیات دینه نك حقیله انکشاف ایتدیکنه نشریات معلومه طولایسیه قانعز. اوت شخص معنوی حکومت تحفظه اولنور، تنقید اولنور. بوکا دینه جک یوق. ذاتاً مشروطیتده امت بووظائفی ایفا ایچون کزیده رجائی مبعوث انتخاب ایدرک محافظه حقوقه ساعی و مراقب یولنور. افکار عمومییه بی تمثیل ایدن جرائد یاییلان یولسزلقلردن صیقلانیر. جزئی برحقسزلنك عدم تکوننه چالیشیر. بو، مبجل و محترم برحقلیدر. اساساً بونی یا مقله اهلیت مدنیه کوسریلور. فقط بووظیفه ایله اشتغال صدندده قومیت موضوع بحث اولمغه، بوقیل حسیات سلاح تعرض اتخاذا ایدلمک قالدیشیلور ایسه اوزمان مقصد حقیقی دن تباعد ایدلمش اولور.

بوکون جاهل معلملرک، اهلیتسز مأمورلرک معاملات تعریفات قانونیه یه توفیقاً تنقید و رجال حکومتک انتخابات غیر مصیبه سندن کی خطیئات اظهار وتیین اولنور. فقط اوجاهل معلملرک، اونا اهل مأمورلرک ترکلیکی موضوع بحث ایدیلرک اهل ذواتک محرومیتده عرب اولسی ایلرو سوریلورسه مسئله نك رنکی دکثیر، ایش امتک محافظه حقوقی وادیسندن چیمتارق طفلانه بعض دوش-ونجه لره رواج ویرمک کریومسینه واریر. بی طرف منور وجدانلری بودرکه دن پک عالی کورمک ایسترز. عربلرک، ترکلرک، کردلرک، لازلرک، چرکسلرک، تاتارلرک حقوقی ندر؟ بز آیری غیر برحق بیلمیوروز. حق فتح ایسه بوحق مجاهد ائده بولان بتون اسلاملر آراسنده مشترکدر. محاربه لره، جهادلره عناصر اسلامیه کافه اشتراک ایلشدیر. برینک دیکرینه رجیحان ادعاسنه صلاحیتی یوقدر. قوم عرب برحقسزلغه اوغرایورسه بتون امت اوحقسزلغه اوغرایور دیمکدر. قوم عرب استخفاف اولنیور ایسه بتون اسلاملر استخفاف اولنیور دیمکدر. بر دیندار اسلام بونی بشقه درلو دوشونه مز. برطاقم اجنبی فریفته سی، تقلید دوشکونی جاهلرک «کنج ترکلر، کنج عثمانیلر» تعبیرات سقیمه. سیله صاحقه اولدقلری تفرقه تخملری دیندار محیطلرده نشوونما بوله مز. کندینی بیلان هر فرد پک ایی تقدیر ایدر که کنج ترک یا حکومتی یوقدر، بویه براسم بیلمیوروز. اجنبیلر ارامزه تفرقه قویق ایچون بزه بواسمی طاقشلر. منسوبی بولندیغمز حکومت قانون اساسی نك صراحی وجهله بر حکومت اسلامیه در. «دولت عثمانیه» نامیه یاد اولنور. بناء علیه عربلر ایله ترکلر آراسنده محتاج حل و فصل مسئله ندر؟ حادثات موقته بی جدیر اعظام برماهیتده کورمیوروز. فقط حکومت ازاله سنه مسارعت ایتلیدر. رضای امتی استجلابه چالیشمق حکومتک انک

بیوک وظیفه سیدر. بوخصوصده کی تراخی و ماطله دن طولای صاحب مقاله نك سرزنش لرینه اشتراک ایدرز. مکتب سلطانی حادثه نك بتون بلاد اسلامیه در برر نمونه سنی کورمک ایسته میز.

محافظه نفوذ و حیثیت ایچون سوزندن دونه مامک مجبوریتی حکومت ایچون قبول ایتیمکله برابر بوقیل وقائی تولید ایدمک احواله ابتدادن چارده ساز اولمق خصوصسندن کی بالانسزانی حزم و احتیاط و شفقت ابوتیه قابل توفیق کورده میز. انشاء الله عهد قریبده بونقصانلر تلافی اولنور. مطبوعات مزده اسلاملرک احوال روحیه سنی نظره آلهرق تفرقه وسوء تفهملری استلزام ایدمک احوال دن مجانبته یولنور. کنجلر مژک قواعد اساسیه اسلامیه یه بیسانجی قالدیلریده بو تفرقه اوچوروملری کورده رک حرز حصین اسلامیتده محافظه نفس و وطنه موفق اولورلر. جناب حقک لطف و کرمدن امیدمز برکالدر. صاحب مقاله نك مدافعه ایلدیکی شعرلره و قواعد نزا کتک نامجل کورده جکی تشکرلره ملاحظه تعلیق ایتیمک ایسته میز. او بیتلری بیله برچوق ترددن صکره قلمزدن قان اغلایه رق نقل ایتیش ایدک. قرداشمز یاسین پک مفید جریده اسلامیه سنی نه قدر سور و تقدیر ایدرسه امین اولسون (صراط مستقیم) محررلریده عینی حس ایله متحسس اولهرق کندی لرندن کیری قالمالزلر. (المفید) ی ذره ما دیکر جریده لردن تفریق ایتمز. فقط سعادت اسلامه قارشی ولو که غفلت صورتیه اولسون برسوء قصد کوریرلر ایسه اوزمان تحمل ایدمزلر. بیروتک بوسوملی اسلام جریده نك بدخواه لری مژک آزامزه قویق ایستدکاری تفرقه یه بیلمیه رک آلت اتخاذا ایدلمکده اولدیغی کورن هر حیثی اسلامک حسب حالز کی بر فریاد قویاره جغنی طبعی کورمک اقتضا ایدر. ایشته محترم قرداشمزک حسیاتنه مغلوب اولدیغی نقطه لردن بریده بودر. مع مافیه کنجلر مژک دها سرین قانله دوشونه رک ایتنه، وطنه آجیه جقلری مأمول قویدر. اندلس فاجعه لرینی اونوتماملی یز. اوخطه بی عنوة موطن اتخاذا ایدن اسلاملرینه بویه حسیات تفرقه جویانه ایله اقسامه آیریلهرق یکدیکرینه قارشی تفاخر کونه انشاد ایلش اولدقلری بوقیل قصائدک برقاچ دانه سی حال حزن افزای خواطر مزدر. اویه عاقبتلردن جناب حقک لطف و کرمنه تکرار تکرار صبغیر و بتون اقوام اسلامیه یه هرشیدن اول بورالری نظره آلملری ایچون یالواریرز.

بومناستند فاضل شریع عظیم زاده رفیق پک اندری حضرتلری طرفندره
صراط مستقیم کورمیه یه التفات نامدر:

طاطلی سوزی هرکس قبول ایدر

محترم صراط مستقیمک ۸۷ نجی عددنده و ۲۵ ربیع الآخر سنه ۳۲۸
تاریخی نسخه سندن بیروت جرائد اسلامیه سی سرلوحه سی آئنده
درج بیوریلان مقاله یه واقف اولدم.
حکومت مژک عربی لساننه کوستردیکی اهتمامسزلغنی بعض بیروت